

福建府縣志輯

中國地方志集成

乾隆泉州府志(一)

乾隆泉州府志(一)

(清)

懷蔭布修
黃任纂
郭賡武



圖書在版編目(CIP)數據

中國地方志集成. 福建府縣志輯. 22, 乾隆泉州府志.
1 / 上海書店出版社編. - 上海: 上海書店出版社,
2000. 10

ISBN 7-80622-424-6

I. 中... II. 上... III. ①地方志-中國②地方志-
福建-泉州市 IV. K29

中國版本圖書館CIP數據核字 (2000) 第 27770 號

重刻泉州府志序

府之有志猶國之有史也史以
載一朝之禮樂政刑而志以紀
一郡之山川人物鉅細雖異要
其探賾搜逸考獻徵文足令後
之蒞斯邦者奉鑒衡而敷爲政

泉州府志

序

一

教生斯土者仰嘉懿而懋厥躬
修則志與史之非有殊旨明矣
泉之爲郡閩南一大都會也瀛
海環其東雙溪繞其西清紫朋
羅羣山秀峙迹其靈淑所鍾雖
上郡亦不是過然推其人文蔚

起得稱海邦鄒魯則惟紫陽定

夫西山諸大儒涵濡樂育之功
爲最深自宋迄明賢才輩出理
學如許存齋蔡虛齋勲業文章
如留忠宣張襄惠何匪莪清操
碩德如陳簡夫李文節林次崖

泉州府志

序

二

濟濟彬彬輝映史冊我
朝重熙累洽無遠弗届不獨銜華
佩實金馬玉堂之彥蔚爲邦家
光卽鎮北征南梟雄駿偉之姿
提三尺而膺封爵者亦不乏人
焉可謂盛矣泉自唐以前不聞

有志也有之自宋嘉定始嘉靖
隆慶萬厯三志俱散佚無存康
熙雍正兩經脩輯而未成至乾
隆間始采訪而增訂之余於壬
戌下車之初取閱是書覺綱舉
目張條分縷析立言典以則紀

泉州府志

序

三

事辨而詳而於食貨風俗垂戒
祥異諸志尤惓惓有深意存焉
其足以信今而傳後也固宜第
卷帙繁多尙有可刪併之處且
自癸未至今厯百餘年其閒官
師更易風尚變遷戶口盛衰田

賦盈縮難更僕數卽以余之先
後兩任言之其始道途多梗關
據頻聞今則鏡清砥平士佩衡
而農樂業蒸蒸焉化澆風爲馴
俗矣是固

聖天子深仁厚澤所遺而泉民草污

泉州府志

序

四

更新之一大轉機也安可以不
誌顧自維謫陋才非班馬焉敢
以不文貽大雅之譏况廳縣志
未析其流則府乘何由得集其
成耶己巳秋陳君雨春語余曰
泉郡志板蟻蝕殆盡矣余愕然

曰志所以考疆域審徭賦徵習
尚之隆污驗人才之替興而稽
政治之得失者也余卽不能汰
煩補闕顧忍聽其湮沒不傳乎
亟捐廉銀五百元付黃君香圃
俾選手民重鑄焉嗣約計工貲
尙不敷錢四百千文則皆香圃
一人所捐足用能樂觀厥成也
梓竣爲叙其緣起如是云

同治九年歲次庚午二月上浣
賜進士出身前陝西道監察御史泉
州府知府金華章倬標撰

重修泉州府志序

郡乘者徵文考獻之書也
而實與政治相筭鑰蓋一
郡所轄幅輳既廣其中形
勢之險易習尚之淳澆土
田貢賦之肥確絀贏學校
又風之興衰隆替胥於志
乎考乃能詳審精明於以
樹圭臬而端樞要使張弛
措厝之目時就地而不爽
於所施然則郡乘一書可
任其久殘缺不修耶且郡

志體例與通志縣志異通
志滙一省之全體在職其
要縣志就一隅之治體在
職其詳若郡志則斟酌於
詳要之間不支不漏如古
所稱贍而不穢詳而有體

者乃足使纂通志者之有
所挾而纂縣志者之有所
承信今傳後事愈難而愈
不可緩也泉郡志修於明
萬厯間歷百五十餘年矣
中屢輯而未成書不佞甫

守是邦即蒐閱舊志見其
簡略殘脫拊膺者久之夫
以溫陵為天下名區聲名
文物之隆與上國齒而志
乘廢闕若是是可慨也案
牘之餘每思纂輯奈初政

冗紛有志未逮然必欲成
是書而後愜於衷我 制
府楊公閱戎行部擁節至
泉首以舊志殘闕為憾進
不佞而訓之曰綱紀文章
亦為政之一事也不佞愈

並瞿然亟請於

憲皆報可遂同諸寮友及
五邑令長各捐俸倡修延
請諸君子司其事而不佞
總其成始於己卯之九月
竣於癸未之臘月例宜弁

泉州府志

序

四

言簡端不佞思今日之泉
與舊志所載亦同異參半
泉介山海之間山箐深而
海濤漲地鹵壤狹歲豐亦
仰食於海運惟魚鹽商販
之利差足自資蓋貪瘠之

區今猶昔也明季

國初海氛未靖豕突蠆傷康
熙二十三年底定之後休
養生息家給人足重以

列聖相承厚澤浚仁涵濡煦育復
設戎帥開閩於水陸之衝

泉州府志

序

五

百年来山無伏莽海不揚
波子惠之浚防衛之密昇
平之久皆前志所未曾有
即海邦一隅而可以昭同
軌同文之盛若非興人之
採葦何以形

聖治之光華是不可可以不紀載者也茲曰舊志者十之四廣舊志所未及者十之六徵引羣籍搜羅百氏滌煩去濫編載匪遺區區之志非徒脩一方之掌故直欲

泉州府志

序

六

後之守是邦者藉此而得所以為治則是編雖徵文考獻之書亦承流宣化之書也是為序

賜進士出身署理興泉永道印務中憲大夫知泉州府事

長白懷蔭布撰



泉州府志

序

七

重脩泉州府志序

泉之名肇自隋唐更歷五季統轄無常所稱泉州猶兼福興漳三府地其所為紀載無聞焉州之地自宋定而志亦自宋始顧嘉定淳祐二志僅存其名元九

泉州府志

郭序

十餘年間又未聞繼作明自洪武至嘉靖乙酉百五十七年方一修之搜羅故籍用力甚勤遺漏亦復不少歷隆慶戊辰相去僅四十五年距前增華頗稱詳備至萬曆壬子大加刪汰以就

省約而論者終以隆慶一志為不可沒云我

朝康熙雍正年間兩經脩輯物議中止稿多無存計自萬曆至今百五十年中更鼎革後復割永春德化以別立為州建置之有

泉州府志

郭序

二

異同規制之有廢興官師名數之有因革或古無而今有或名在而迹亡記載之書均不可缺况

國家太和翔洽之治覃暨海邦人文日盛戶口日滋土田日墾而

風俗日醇及今弗輯是更無以紀昇平而宣

德意也 太守涵邗懷公治郡有年脩政寧人新 文廟建經閣葺萬安順濟二橋百廢俱舉顧茲郡志方議編摩適今

泉州府志

郭序

三

太子太保體仁閣大學士楊公總制閩浙已卯之歲按部來泉復以斯事諄勉於是懷公大張文告廣徵羣言移牒貳守通守暨五邑令長六庠儒師分採彙報開局於承天寺西偏委雒陽巡

宰林君華山司提調掌會計聘三山黃君莘田暨鄙人賡武主

撰述而以黃君心庵蔡君騰上相副其時分理諸人許君惕庵主田賦林君承奎黃君樂序佐心庵主諸雜類徐君簡之主藝

泉州府志

郭序

四

文尤君際坦主選舉騰上亦專主列女唯名宦人物二志莘田先生有言曰志之最大而最難者莫踰于茲非耳目見聞不足以徵信非鄉邦推重不足以服人因囑予專任之子聞言慚懼

然固不敢以自委因思昔人所
言人非鬼責前輯之不成顯有
明徵敢弗慎歟爰為考証前編
苟參邑乘其他有據亦詳為增
補莘田先生識高才博虛已相
商庚辰之冬予於二志粗就規
模而三山諸君所主各類纂輯
郡邑諸志書亦各有成緒奈隔
屬不能久羈於此越明年赴郡
投牘獻書者日益衆文武移文
交相旁午挾送志局堆積如山
因囑騰上以列女志兼諸雜類

予亦以名宦人物之餘力時加
點檢會懷公有入
覲之行更告於鄙人曰斯志之脩
我兩人實總其成勿以草率貽
譏歲月非所計也攝篆者子猷
嘉公復重申懷公之命予與騰
上益廣搜諸書凡他處郡邑省
志及前輩紀載詩文集不下數
千本目不俾閑手不俾揮自辛
巳春至壬午秋而後脫稿是冬
適予丁內艱癸未卒哭後復加
編次計為目四十有六卷七十

有六各裁定於懷公而後授梓
是役也指示要領與予先後訂
成者莘田先生也分門別類詳
要得宜與莘田始其基者心庵
也遠紹旁搜疑似必析與予終
其事者騰上也出所藏書以供

泉州府志

郭序

七

蒐討復蕪預分脩者簡之也預
分脩而復與徐君藩伯張君安
仲司校對者際坦也其餘諸君
靡不殫心竭力以仰副懷公雅
意既訖功計百五十餘年中制
度云為官師人物無不犁然可

按而凡前志所已載者訂訛補
闕亦復頗改舊觀自今以往官
斯土者既得有所考掇以為敷
政之資而生長此邦者稱先道
古風景如新典型若接亦益有
以恢廓其見識而激發其志氣

泉州府志

郭序

八

泉士之興必更有倍於前者然
則

宮保楊公暨太守懷公之大有造
於吾泉也功不與斯志同永哉
予以謫陋之材獲襄鉅典因僭
敘緣起以告後之同志者肯乾

隆二十八年癸未臘月

賜進士出身中憲大夫知貴州安順

府事

予告侍養晉江郭廣武書



泉州府志

郭序

九

泉州府志叙

志也者所以彰政化占土
風挾今古之異同綜山川
之險易非直綴幽芬拾遺
事侈文采之美觀已也伊

泉州府志

序

一

古山海名經漢世以為出
自伯禹周禮司凌掌邦國
地圖保章氏以星土辨九
州之封域而誦訓實掌邦
志志之權輿尚矣漢武帝

今天下計書先上太史郡國之志亦在焉厥後朱貢條記風土班孟堅因之作地里志及晉摯虞又作畿服經常據作華陽國志其他如汝南先賢洛陽耆舊諸編紛綸竝作後世畫疆為志準此而興是所謂采風之遺而脩正史所未及者也七閩昔天南邊徼地

國家養育栽培重熙累洽篤生尤為極盛固賢才之接踵且將帥之聯翩蔚為名區允矣全閩領袖余自戊寅總制閩浙以簡蒐軍實次第蒞茲郡守土者例以志呈展閱序言知係前明萬歷間舊本夫地輿有志猶國之有史也酌古尤宜準今闕疑還宜傳信今第

仍其舊未續其新不特自
明季以迄
國朝風俗之相沿人材之繼起
德業文學之流傳蔑由以
考而我

朝陞永春為州分隸德化別為
一州泉州祇領縣者五又
何以定方輿而尊
王制爰令郡守懷君懇舉是編
脩輯之徵文考獻禮致縉

紳駢集士類庚辰冬大局
差定越辛巳春懷君以公
事入京師署守龍巖嘉牧
不以代庖岐視悉力贊襄
錄呈初稿凡封域山川規

制版籍以逮名宦人物諸
傳靡不彬、可考及懷君
回任後益復殫心搜羅上
稽會典旁採群書挾異同
正舛謬不遺其所本有益

增其所本無易綱目為四十六門析縷分絲義胥賅洽計其卷帙視前志三之自明萬歷壬子至今百五十餘年之聲名文物胥於

是乎在煥然為一郡之巨

觀雖未遽以為上追班范

下法歐陽而已盡去方士

之迂談不雜齊諧之誕語

也已夫事難于矢志更難

于成功是書也矢志維余苟非賢太守踴躍從事窮搜博討閱四寒暑以告成功烏能使觀風者開卷了然共昭同軌同文之盛也

哉余喜此志之獲臻美備

也即令付之剞劂因掇蕪

言以弁其首

乾隆二十八年歲在癸未

十二月